

## Poziv za podnošenje prijava za Program EU za mlade državne službenike u Bosni i Hercegovini - I krug

Delegacija Evropske unije u Bosni i Hercegovini, Direkcija za evropske integracije (DEI) Vijeća ministara Bosne i Hercegovine, Ured koordinatora za reformu javne uprave (PARCO) i British Council u Bosni i Hercegovini najavljuju predstojeći **Poziv za dostavu prijava za Program EU za mlade državne službenike u Bosni i Hercegovini (EUSYP BiH) - I krug.**

Cilj ovog Programa je pomoći BiH u razvoju profesionalnog i depolitiziranog sistema javne uprave zasnovanog na zaslugama kroz stručno usavršavanje i mobilnost nove generacije državnih službenika koji će biti zaduženi za proces pristupanja EU i voditi promjene tokom procesa proširenja. **Odabrani državni službenici imat će priliku pohađati dva programa *online* obuke u organizaciji College of Europe (Kampus u Brižu, Belgija) koji su prilagođeni kako profilima učesnika, tako i potrebama uprava u BiH, posjetiti institucije EU koje se bave pitanjima pristupanja EU i reformom javne uprave u šest zemalja Zapadnog Balkana tokom jednosedmичne studijske posjete Belgiji (koja će biti organizirana 2021. godine ako to situacija s pandemijom virusne infekcije Covid-19 dopusti), te učestvovati u programu za mobilnost na Zapadnom Balkanu (jedna sedmica) i programu razmjene unutar BiH (dvije sedmice) - ukupno osam sedmica.**

Programom upravlja Delegacija Evropske unije u BiH, a provodi ga British Council. **Prijave** će se moći dostaviti u periodu **od 3. do 20. septembra 2020. godine.**

Ukupni angažman svih učesnika traje osam sedmica i obuhvata obuke, studijsku posjetu, programe razmjene/mobilnosti koji će biti raspoređeni u vremenskom okviru od šest mjeseci. Uspješni kandidati imat će priliku prvo pohađati dvije intenzivne *online* obuke. Predviđene su ukupno **četiri obuke (svaka u trajanju od 1 sedmice), koje su podijeljene u dva modula (svaki u trajanju od 2 sedmice) po obuci (ukupno 4 sedmice).** Nakon završetka prvog modula i prije početka narednog uslijedit će dvosedmična pauza. Sve **obuke putem *online* platforme provodit će isključivo College of Europe** iz Briža (Belgija) koji je i organizator obuka.

### *Prvi modul (2 sedmice)*

Prva *online* obuka nazvana „Razumijevanje dinamike EU” održat će se između 2. i 6. novembra 2020. godine.

Druga *online* obuka pod nazivom „BiH i politika proširenja” održat će se između 9. i 13. novembra 2020. godine.



Funded by  
the European Union



Implemented by



## EU Scheme for Young Professionals in BiH

### Drugi modul (2 sedmice)

Treća *online* obuka nazvana „Upravljanje promjenom za bolju efikasnost javnih usluga“ održat će se između 30. novembra i 4. decembra 2020. godine.

Četvrta *online* obuka pod nazivom „Od oblikovanja politike do evaluacije“ održat će se između 7. i 11. decembra 2020. godine.

Nakon završetka *online* obuke, svi odabrani državni službenici učestvovat će u **jednosedmičnom programu regionalne razmjene** u jednoj od šest zemalja Zapadnog Balkana (februar 2021.) i **dvosedmičnom programu razmjene unutar BiH** (mart i april 2021.). Također, odabrani učesnici uzet će učešće u **jednosedmičnoj studijskoj posjeti Belgiji** koja je planirana u maju ili junu 2021. godine.

Sve ove aktivnosti imaju za cilj poticanje međusobne povezanosti i mobilnosti između ovih nosilaca promjene kroz omogućavanje programa razmjene unutar BiH i programa mobilnosti za Zapadni Balkan.

EUSYP BiH nastoji pomoći javnoj upravi u BiH u razvoju profesionalnog, depolitiziranog sistema javne uprave zasnovanog na zaslugama kroz stručno usavršavanje i mobilnost nove generacije državnih službenika koji će biti zaduženi za proces pristupanja EU i voditi promjene tokom procesa proširenja. Program se fokusira na izgradnju stručnih kapaciteta i pripremu nove generacije državnih službenika i kreatora politika u BiH koji će biti zaduženi za proces pridruživanja i koji će pokretati i voditi buduće promjene u svojim društvima, naročito one koje se zahtijevaju Ugovorom o stabilizaciji i pridruživanju i pristupanjem pregovaračkom procesu. Pored toga, opći cilj je poticati međusobnu povezanost i mobilnost ovih pokretača promjene kroz omogućavanje programa razmjene unutar BiH i programa za mobilnost na Zapadnom Balkanu.

U prvom krugu, program EUSYP BiH, **čiji je radni jezik isključivo engleski**, nudi maksimalno 25 mjesta (stvarni broj dodijeljenih grantova može međutim biti manji, ovisno o podobnosti kandidata). **Na program se mogu se prijaviti mladi državni službenici sa svih nivoa vlasti u BiH** (kako je utvrđeno u Poslovniku objavljenim dana 03.09.2020. godine na internetskoj stranici: <https://eu4wb6.com/>).

### Kriteriji prihvatljivosti:

- **građani BiH koji uživaju puna politička i građanska prava;**
- **državni službenici s jednom do sedam godina stručnog iskustva u oblasti EU integracija/pristupanja u javnoj upravi;**
- **univerzitetska diploma i druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog i/ili drugog ciklusa Bolonjskog sistema studiranja;**
- **tečno govori engleski jezik (najmanje viši srednji stepen (B2));**



Funded by  
the European Union



Implemented by



## EU Scheme for Young Professionals in BiH

- **kandidat koji može pohađati dvije (2) *online* obuke u ukupnom trajanju od četiri (4) sedmice (2 sedmice po obuci), putovati u inostranstvo radi jednosedmične studijske posjete Belgiji 2021. godine, i učestvovati u dvosedmičnoj razmjeni unutar BiH i jednosedmičnoj regionalnoj razmjeni (ukupno 8 sedmica).**

Program će pokriti sljedeće troškove za **maksimalno 25 učesnika**:

- ◇ školarine za dvije *online* obuke na College of Europe
- ◇ naknadu za smještaj i dnevnice u Belgiji za vrijeme studijske posjete 2021. godine
- ◇ zdravstveno osiguranje i avionske karte tokom studijske posjete
- ◇ troškove testiranja engleskog jezika u programu Aptis
- ◇ troškove programa razmjene unutar BiH i programa mobilnosti za Zapadni Balkan (troškove putovanja, hrane i smještaja)

Odabrani učesnici imaju obavezu (ukupno osam sedmica):

- ◇ pohađati četvorosedmičnu obuku u organizaciji College of Europe, koja je podijeljena u četiri sesije (od po 5 dana) i dva modula (svaki po 10 dana). Prve dvije sesije *online* obuke (prvi modul) planirane su između 2. i 13. novembra 2020. godine. Druge dvije sesije *online* obuke (drugi modul) planirane su između 30. novembra i 11. decembra 2020. godine.
- ◇ učestvovati u jednosedmičnoj studijskoj posjeti Belgiji u maju ili junu 2021. godine.
- ◇ učestvovati u jednosedmičnom programu mobilnosti za Zapadni Balkan u javnim upravama jedne od šest zemalja regije (februar 2021.).
- ◇ učestvovati u dvosedmičnom programu razmjene unutar BiH (mart i april 2021.).
- ◇ prisustvovati završnoj konferenciji i skupu čiji cilj je povećanje vidljivosti Programa (maj 2021.)

Prema Poslovniku, izbor se provodi u tri faze i obuhvata sljedeće korake:

- ◇ Predodabir prihvatljivih kandidata na temelju formalnih i administrativnih kriterija.
- ◇ Aptis test engleskog jezika (na razgovor će se pozvati samo kandidati koji polože nivo B2).
- ◇ Online intervju koje vodi komisija od pet članova, sastavljena od dva predstavnika radne grupe British Councila, dva predstavnika državnog nivoa iz Direkcije za evropske integracije (DEI) i Ureda koordinatora za reformu reforme javne uprave (PARCO) i jednog (1) predstavnika Delegacije Evropske unije u BiH.

Dodatne informacije o **Programu EU za mlade državne službenike u Bosni i Hercegovini - Pravila i kriteriji za odabir u prvom krugu programa dostupni su na internetskoj stranici projekta (Poslovnik), koje je podnosilac prijave dužan pročitati i razumjeti u cijelosti prije podnošenja prijave.**



Funded by  
the European Union



Implemented by

## POSTUPAK PRIJAVE

Nakon što se prijavi na internetsku stranicu projekta (<https://eu4wb6.com/>), od aplikanta će se tražiti da preuzme kompletan paket prijave koji uključuje sljedeće dokumente: Poslovnik za prvi krug programa (koji se mora pročitati i razumjeti), obrazac Europass-ovog rezimea i s njim povezane instrukcije, obrazac prijave za prvi krug programa EUSYP BiH.

**Prijava se može podnijeti samo elektronski, slanjem na sljedeću e-mail adresu: [british.council@britishcouncil.ba](mailto:british.council@britishcouncil.ba)** Svi dokumenti moraju biti sastavljeni **isključivo na engleskom jeziku**.

1. **ispunjen i potpisan obrazac prijave**;
2. **cjelovit rezime u Europassovom formatu na engleskom jeziku**;
3. **potpisano pismo iz institucije/ureda u kojem kandidat radi kojim se potvrđuje status državnog službenika na poslovima EU integracija i kojim se kandidatu odobrava da pohađa planirane obuke i program mobilnosti**;
4. **potpisano i skenirano motivacijsko pismo uključujući: kratak opis dužnosti kandidata u javnoj upravi s naglaskom na pitanja EU integracije i nacrt prijedloga teme za zajednički zadatak o kojoj će se raspravljati i koja će se razrađivati tokom obuka**;
5. **u slučaju da kandidat posjeduje certifikat engleskog jezika, treba dostaviti skeniranu kopiju važećeg certifikata engleskog jezika koja pokazuje najmanje B2 nivo znanja engleskog jezika** (u slučaju da kandidat u trenutku prijave nema nikakav certifikat, ovaj korak nije potreban jer će se od kandidata tražiti da polaže ispit iz engleskog jezika temeljem kojeg će se odrediti njegovo poznavanje jezika. Za više informacija o ovome, pogledajte tekst u nastavku).

**Ako jedan ili više gore navedenih elemenata paketa prijave nedostaje** (obrazac za prijavu, rezime, tema zajedničkog zadatka ili motivacijsko pismo), **radna grupa EUSYP zadržava pravo da kandidata diskvalifikuje ili da zatraži da dopuni djelomično dostavljenu i/ili nepotpunu dokumentaciju** (u slučaju da su neki dokumenti nepotpuni ili ih je potrebno sastaviti).

Žene se naročito potiču da se prijave na ovaj program. Zainteresirani kandidati obrazac prijave i kompletan set popratnih dokumenata mogu preuzeti nakon što se registriraju na internetskoj stranici: <https://eu4wb6.com/> u periodu od **3. do 20. septembra 2020. godine**. Prijave se mogu podnijeti do 20. septembra 2020. godine do 23:59 po srednjoevropskom vremenu. Dodatne informacije o pravilima, procedurama i kriterijima odabira bit će dostupne svim kandidatima *online* od istog datuma.



Funded by  
the European Union



Implemented by



**EU Scheme for  
Young Professionals  
in BiH**

**Prijave su sada dostupne.**

Za dodatne informacije molimo posjetite internetsku stranicu: <https://eu4wb6.com/>.

**Rok za prijavu: 20. septembar 2020. do 23:59 po srednjoevropskom vremenu.**

**VALJANIM PRIJAVAMA SMATRAJU SE SAMO ONE PRIJAVE KOJE SU PODNESENE  
ELEKTRONSKIM PUTEM**



Funded by  
the European Union



Implemented by

This document was produced with the financial assistance of the European Union. Its contents are the sole responsibility of the British Council and do not necessarily reflect the views of the European Union.



[www.eu4wb6.com](https://www.eu4wb6.com)